

Bangkok:

I hans grosse Glueck gha, dass dae neu Flughafe 2 Tag vorher uufgmacht haet und dae isch also mega iidruecklich! Vom Flughafe haet mer so ca. 30 bis 40 min. id inae Stadt und mer chunt mal dae 1. iidruck vo Bangkok ueber! s fahrverhaltae vo dae Thais isch voellig andersch als bi eus, da wird dure druckt, ghuupet und es haet en mega Verkehr. Bsunders am morge vo 8 - 10 und am abig vo 7 - 9 Uhr! Im Hostel "New Road Guesthouse" bin i aber doch no ganz acho und i ha denn ziemlich schnell gmerkt, dases da praktisch nur Luet vo Denmark haet! Dae 1. Namittah han i mi zerscht muese fasse und bin eifach nur chli go Gegend unsicher mache, i dae naechi vom Hostel. Die viele Luet und all sind mega gstresst. Also dae 1. iidruck isch nid gad super gsii! I dae Autostossziitae, haets soviel Smog, dass mer eifach nur Dreck iiatmet und mit dae Ziit brennts richtig im Hals un denn mit daere Hitz, fascht unertraeglich! Am 2. Tag, bin i vom Hostel us, uf "Klong Tour". Mir sind bim "Mae Nam Chao Phraya" Fluss (Fluss durch Bangkok) ufs Boetli und id Klongs vo Bangkok gfahre. Isch iidruecklich gsii, wie die Luet det lebed, aber au truurig, will die einte "meiste" eifach nur irgendwie es Blaech- Huettli haend und sehr arm sind! Mit zwuesche- stop ufere "Snake-arm" (wo ich selbstverstaendlich nid gange bin:o) und ufere Orchideen-Farm, sind mir nach 4 Stund bim Pier 9 ghaltae und i bin mit 2 vo Daenemark zum "Grand Palace" und "Wat Phra Kaeo". Was sehr wichtig isch, dass mer immer es T-Shirt haet mit Aermel, langi Hose und Schueh, wo bim Ferse zue sind, suscht chunt mer eigentlich i kei Tempel-aalag ine!! Was mer au unbedingt soet mitnaeh isch en Reisefuehrer, da meistens nuet beschriebe isch. Dae Grand Palace, isch so gross, das mer en ganze Tag verwiile choent, aber mir isches eifach zheiss gsii:o)! Zrugg sind mir mitem "Express Public Boat", was ae super art isch, zum in Bangkok vorwaerts cho, au d Skytrain- Bahn isch priisguenstig! Am 3. Tag bin i is "MBK- Shoppingcenter" und das isch ja wuerklich unglaublich! Da langed 1 Tag nid zum alles gseh ha. S haet 8 Stockwerk und jede Syock isch oepe 3 mal so gross wie im Glattzentrum:o). s git det zwar kei Markeartikel, dafuer Billabong, Diesel, Gucci,, usw. alles eifach Imitatione! Aber Preisguenstig, 1 T-Shrit isch ca. 7CHF. und qualitativ ok! z.T. haets Laede (3x3m), aber ueberall isch so viel wie nur moeglich inegstopft:o) Scho nume s dure schlendere isch en Augeschmaus, aber det chunt jede in Kaufrausch! (ha am naechste Tag, drumm au scho s erschte Paeckli heigschickt) Dae 4. Tag bin i namal "kulturell" aagange, und bi per Schiff und z Fuess, natuerlich mit Stadtplan (ohni das gaht nuet:o)) is "National Museum of Bangkok" s chostet 40 Baht (ca. 1.50CHF) ,aber sisch echt lohnenswert! Ueber Gschicht vo Thailand, vo verschiedene Ort (mit Tempel aalage), ueber Koenige, alti Gegestaend, det erfahrt

mer eifach alles ueber Thailand! Leider bin i chli zspaht gsii, aber am beste gaht mer mit Deutschsprachiger fuehrig, am halbi 9i, da z.T. d Sache !

nur in T

hai aagschribe sind. Da dae "Wat Pho" (ligende Budhha) per "Fuess" i aere halb Stund erreichbar isch, han i mi uf dae weg gmacht, bi Rege! Aber wenna da regnet, denn regnets groeber! Han also, damit i nid ganz durchtraenkt bin, en Stop vo 1 Stund inere Telefonkabine gmacht und ha vo mae Strassestand Ananas gaesse fuer ca. 0.40CHF:o) So Staend haets da ueberall, es wird kochet, daempft, fritiert, braetlet, ueber Fleisch, Fisch, Meeresfruecht, Gmues, Fruecht und alles was mer esse chan. Isch also "ein absolutes muss" mal oepis z probiere!:o) Am Friitig, mim letstae Tag in Bangkok, han ic eifach nur relaxed, will die Stadt macht grausam mued. Es gaebt so viel schoens zum aaluege, aber die negative Siite vo Bangkok, macheds unmoeglich dae ganz Tag unterwegs zsii und jede Tag Sache go aaluege! Aber das wo i gseh han, isch mega iidruecklich gsii, so unvorstellbar groos und bis is chliinste Detail, mit liebi gmacht! Bangkok isch uf jedefall en bsuech wert, aber 3 Tag langed voorig!

Tips:

- gueti Schueh, langi Hose, T-Shirt, sind da s A und s O

- Guete Tag uf Thai: -Sawadee ka (bi mae Maa)

-Sawadee kap (binere Frau) -bim

betrette vo mae Tempel, wo mer mues d Schueh uuszieh, d Schueh

unbedingt in Rucksack naeh, wegem chlaue -oeffentlichi

Verkehrsmittel nutze, aber kei Tuk Tuks und nur Taxis mit

Taximeter -nid uf aabegot vo Luet uf dae Strass iigah(Tuk Tuks),

die bringed eim denn i irgendetwelchi Laede zum provision

iizkassiere!

-in Tempel, d Fuess immer vo mae Buddha weg wenden